

উপকূল বাঁচাও

ভারতের শতকরা ২৫ জন মানুষের বাস উপকূলের ৫০ কিলোমিটারের মধ্যে। শিল্প ব্যবসা বাণিজ্য হোটেল রিসর্ট, মার্হের ও চিংড়ির ভেড়ি বেড়ে চলেছে অব্যাহত গতিতে, জনবসতির ঘনত্ব বেড়েই চলেছে। এবং এসবই ঘটছে, ঘটে চলেছে উপকূল রক্ষার আইন থাকা সত্ত্বেও।

পরিবেশ আইন, ১৯৮৬'র অধীনে বন ও পরিবেশ দপ্তর উপকূল রক্ষার উদ্দেশ্যে আইনী বিজ্ঞপ্তি জারি করেছিল - পোষাকী নাম ছিল - উপকূল অঞ্চল নিয়ন্ত্রণ বিজ্ঞপ্তি (Coastal Regulation Zone Notification)। তাতে অন্তর্ভুক্ত হয়ে উপকূল সুরক্ষায় সদিচ্ছার ছাপ স্পষ্ট ছিল।

কিন্তু ভারতে যেমনটা সাধারণত হয়েই থাকে - আইন হলেও তার রূপায়ণে কর্তার আন্তরিক থাকেন না - এক্ষেত্রেও ব্যতিক্রম হলো না। একের পর এক আইন লঙ্ঘনের ঘটনা ঘটেই চললো, বাধা দেওয়ার বদলে সেগুলি থেকে সরকারী ও বেসরকারী ভাবে তোলা আদায় চলতেই থাকলো। দীঘার কাছে মান্দারমনি কলকাতা ও অন্যত্র বড় বড় হোর্ডিং-এ পর্যটকদের আমন্ত্রণ জানায়। কজনই বা জানে যে সম্পূর্ণ বেআইনী এই রিসর্ট, কাদের প্রশ্নয়ে কিভাবে গড়ে উঠলো একেবারে সমুদ্র-সৈকতের কোল ঘেঁসে? মামলা চলছে - হাইকোর্টে। সে চলুক, চলুন বেরিয়ে আসি! এমন ঘটনা দেশ জুড়ে শত শত। রাজনীতির কেষ্টবিস্টুদেরও অনেকে জড়িত এসব বাবসায়।

ইতিমধ্যে আইনী বিজ্ঞপ্তি - সি আর জেড নোটিফিকেশনের সংশোধন ঘটতেই থাকে। ১৯৯১ থেকে ২০০৮ এর ১৭ বছরে ২১ বার সংশোধিত হয়ে, এখন এসেছে সি এম জেড নোটিফিকেশন (CMZ Notification বা Coastal Management Zone Notification)। নিয়ন্ত্রণ অঞ্চল বা Regulation Zone পরিবর্তিত অভিধায় ব্যবস্থাপনা অঞ্চল বা Management Zone হয়ে যেতে চায়। রূপও বদলাবে, এলাকা নতুন ভাবে চিহ্নিত হবে, ব্যবসাকারবার যেসব এলাকায় নিষিদ্ধ ছিল, সেসব এলাকায় নিয়ন্ত্রিত কারবারের ছাড় থাকবে। বেসরকারী মালিক থেকে রাজ্য ও কেন্দ্রীয় সরকার সবাই আশায়। পুরনো বেআইনী কাজকারবারগুলি এবার আইনী বৈধতা পেয়ে যাবে। পশ্চিমবঙ্গ সরকার যেমন প্রবল আশায়, নতুন উদ্যমে নয়াচরে পেট্রোকেমিক্যাল শিল্প স্থাপনে উদ্যোগী। CRZ-এর কবলে থাকলে যে অসুবিধা ছিল, CMZ-এ সে অসুবিধা আর থাকবে না, মাইভে।

১৯৯১-এর বিজ্ঞপ্তিতে সুরটা ছিল-স্পর্শকাতর এবং প্রচলিত উৎপাদনশীল ইকোসিস্টেম হিসেবে উপকূল সংরক্ষণের। তার পর প্রতিটি সংশোধনীতে সে সুর নরম করা হয়েছে। **CMZ** বিজ্ঞপ্তি সেসবের পরিণতি। রাজ্যে রাজ্যে একটি করে ইন্টিগ্রেটেড কোস্টাল জোন ম্যানেজমেন্ট অথরিটি (**ICZMA** থাকবে, তারাই ‘ব্যবস্থাপনার’ পরিকল্পনা ও দেখাভালের দায়িত্বে থাকবে। এ রাজ্যে ও একটি **ICZMA** আছে, নয়চরের ব্যাপারে ইতিমধ্যেই তারা উদার।

বিশ্বজুড়ে আজ আওয়াজ উঠেছে ইকোসিস্টেমের যথাযথ সুরক্ষার জন্য স্থানীয় চিরাচরিত অধিবাসী যারা, যাদের জীবন-জীবিকা সংস্কৃতি প্রকৃতির তালে ছন্দে সূঠাম সম্পর্কে সংপৃক্ত তাদের অধিকার স্বীকার করে, উন্নয়ন - ব্যবস্থাপনায় তাদের অংশীদারিত্ব-কে প্রাধান্য দিয়ে ভবিষ্যৎ পরিকল্পনার রূপায়ণের পথে এগোতে হবে। এমত ভাবনার সূত্রেই আজ ভারতেও বনবাসীরা কিছুটা হলেও আইনী অধিকার লাভ করেছেন। নতুন অরণ্য ব্যবস্থাপনায় তাদের অধিকার কিছুটা

- রাশিয়ার সাবমেরিন সংক্রান্ত দুর্ঘটনার ইতিহাস খুব একটা সুখকর নয়। ১৯৯৮ সালের জানুয়ারীর ২৬-এ এই

রাশিয়ার নিউক্লিয়ার শক্তি উৎপাদন বা নিউক্লিয়ার শক্তি পরিচালিত বস্তুর ডাস্টবিন হয়ে উঠেছে ভারত। চের্নোবিলে যে প্রজন্মের নিউক্লিয়ার চুল্লিতে দর্যটনা ঘটেছিলো - ভারত

সাত

নিউক্লিয়ার শক্তি উৎপাদন প্রক্রিয়ার প্রযুক্তি যত দক্ষ হচ্ছে, তার সঙ্গে পাল্লা দিয়ে নিউক্লিয়ার বিদ্যুৎ উৎপাদন কেন্দ্রগুলোতে দুর্ঘটনাও বাড়ছে। প্রায় সবক্ষেত্রেই এই দুর্ঘটনার কারণ যতটা না প্রযুক্তির ব্যর্থতা, তার চেয়েও বেশি দায়ী মানুষের ভুল। রাসমিউসেন সাহেব এম আইটি বিশ্ববিদ্যালয়ে গবেষণা চালিয়ে “প্রমাণ” করেছিলেন যে, উড়োজাহাজে দুর্ঘটনা, ট্রেনে দুর্ঘটনার পরিমাণ এবং তার মোট সম্ভাবনা নিউক্লিয়ার বিদ্যুৎ উৎপাদন কেন্দ্রে দুর্ঘটনার মোট সম্ভাবনার চেয়ে বেশি। বস্তুত সেই চর্বিত-চর্বণ থ্রি-মাইল আইল্যান্ড আর চেরনোবিল দুর্ঘটনা ছাড়া আমাদের মতো নিউক্লিয়ার শক্তির বিরোধী (ফলে কি উন্নয়ন-বিরোধী? মানুষদের বুলিতে আর কি-ই বা আছে? কিন্তু রাসমিউসেন সাহেবের বাড়ি ভাতে ছাই দিয়ে উন্নত প্রযুক্তির দেশ জাপান-জার্মান-মার্কিন-ইংল্যান্ডে নিউক্লিয়ার বিদ্যুৎ কেন্দ্রে দুর্ঘটনা অব্যাহত। ভূবনায়নের ধাক্কায় বেসরকারীকরণের হিড়িক যত বাড়ছে, দুটো কিনলে একটা “ফ্রি” –এই হজুগ যখন “এইডস্” রোগের মতো সর্বব্যাপী রূপ পরিগ্রহ করবে (তার সমস্ত সংকেত সুস্পষ্ট - তখন খরচ কমানোর উদগ্র তড়িনায় সমস্ত রকমের সুরক্ষা যে মা-গঙ্গার পূণ্য বক্ষে নিষ্ফিণ্ড হবে তাতে আর সন্দেহ কি।

নভেম্বর ১৩, ২০০৮ - এ জাপানের বেসরকারী
নিউক্লিয়ার বিদ্যুৎ উৎপাদন সংস্থা - তোহোকু ইলেকট্রিক
পাওয়ার কম্পানী অনেক টালবাহানার পর তাদের মিয়াগি

প্রাপ্ত, শিশুদের জন্য গুঁড়ো দুধ খেয়ে অসুস্থ হয়ে পড়েছে।
 চীনের বেসরকারীকরণের ডেউ-এ ইন্দোনেশিয়ার একটি সংস্থা
 সারা দেশব্যাপী এই দুধ সরবরাহ করেছে। শিশুমৃত্যুর বিষয়টি
 চীনা সরকারের নজরে এসেছিল অলিম্পিক চলকালীন সময়ে,
 কিন্তু পাছে অলিম্পিকের জাঁক-জমকের বিঘ্ন ঘটে - এতজন
 আন্তর্জাতিক সংবাদ মাধ্যমের কাছে বেইজিং হতে হয় -
 তারা বিলকুল নিঃশুণ ছিলো এবং পরিহার্য মৃত্যুর মিছিল
 নিশ্চিত্তে বাড়তে দিয়েছে।

শিশুমৃত্যুর ভয়াবহ এই ঘটনাটিই চীনের বর্তমান অভ্যন্তরীণ শাসনব্যবস্থা, আর্থিক ব্যবস্থা এবং কৃষ্টির মধ্যে যে কোনো একটা গোলমাল ঘটছে, কোনো এক ঘনপোকা এই ব্যবস্থার গোড়া কাটতে শুরু করেছে সে সম্পর্কে স্পষ্ট ইঙ্গিত মিলছে। শিশু মৃত্যুর কারণ খুঁজতে গিয়ে ধরা পড়লো যে চীনেও দুধে ভেজাল রয়েছে এবং তা আমাদের ছোটবেলায় পার্টীগণিতের অংকের দুধে জল মেশানোর মত নিরামিষ ভেজাল নয়। এ এক আটঘাট বেঁধে, বৈজ্ঞানিকভাবে, গবেষণাপ্রসূত ভেজালের কারবার।

চীন দেশে দুধের ঘনত্ব এবং তাতে প্রোটিনের পরিমাণ মেপে শিশুখাদ্য হিসেবে সার্টিফিকেট দেওয়ার পদ্ধতি সেই সাংস্কৃতিক বিপ্লবের সময় থেকে চলে আসছে - কমিউনগুলো এমন নজরদারি চালাতো সেই সময়। পরে বেসরকারীকরণের ধাক্কায় সেই সার্টিফিকেট প্রদানের পদ্ধতি বহুল পরিমাণে কেন্দ্রীভবন ঘটে যায় - স্থানীয় স্তরের নিয়ন্ত্রণ শিথিল হতে হতে সেই নিয়ন্ত্রণ কমিউনিস্টের হাতের বাইরে চলে যায়। কেন্দ্রীয় সার্টিফিকেট বাগাতে পারলেই তাই আধা-সরকারী, আধা-বেসরকারী, বেসরকারী এমনকি বিদেশী সংস্থাগুলো মহামন্দে ব্যবসা চালাতে পারে।

শিশুমৃত্যুর তদন্তে ধরা পড়েছে যে চীনে কৃত্রিমভাবে দুধের ঘনত্ব এবং তাতে প্রোটিনের পরিমাণ কৃত্রিমভাবে সরেস দুধের মতো দেখানোর জন্য মেলামিন নামক একটি প্লাস্টিক জাতীয় যৌগ ভেজাল হিসেবে মেশানো হয়। মেলামিনে নাইট্রোজেন রয়েছে প্রচুর - এবং এখন পর্যন্ত, প্রোটিনের

পরিমাণ নির্ধারণে দুধে নাইট্রোজেনের উপস্থিতিরই পরিমাপ করা হয়। এই মেলামিন প্রাণীদের জন্য কোনো খাদ্যবস্তু নয় - প্রাণী মেলামিন হজম করতে পারেনা; এই মেলামিন মানুষের কিডনীতে জমতে থাকে এবং কিডনী সংক্রান্ত অসুখে শেষ পর্যন্ত মৃত্যু অবধারিত। এই মেলামিন আকস্মিকভাবে দুধে মেশার কোন সম্ভাবনা নেই - দুধ প্রক্রিয়াকরণ পদ্ধতির কোনো স্তরেই মেলামিন মিশে যাওয়ার কোনো কারণই নেই। যে পরিমাণ মেলামিন এই সমস্ত ভেজাল দুধগুলো থেকে পাওয়া গেছে তা থেকেও বোঝা যাচ্ছে তা প্রাকৃতিকভাবে অশুদ্ধতার কারণে যতটা মিশতে পারে বলে অনুমান করা সম্ভব তার কয়েকশো গুণ। অর্থাৎ ভেজাল হিসেবে ব্যবহারের অভিপ্রায়েই মেলামিন কে দুধে মেশানো হয়েছিল।

মজার বিষয় হলো তেংসিয়াও পিং মহাশয় যখন সাংস্কৃতিক বিপ্লবের ইঁদুর ধরার দৌড়ে রং না দেখেই বোড়াল ধরার নিদান দিচ্ছিলেন তখন থেকেই এই সমস্ত আজব কান্ডকারখানা চীনে শুরু হয়েছে। চীনের শিল্প উৎপাদনের এমন রমরমা সময়েও এই মেলামিন নামক বস্তুটির প্রায় কোনো শিল্প চাহিদা নেই—অথচ ১৯৮০ সাল থেকেই চীন এককভাবে সারা এশিয়ায় সর্ববৃহৎ মেলামিন আমদানি করে চলেছে। ভেজাল দেওয়ার তাগিদ ছাড়া এমন বেহিসেবী আমদানির কোনো ব্যাখ্যা নেই। ভেজাল-আক্রান্ত শিশুদের ২০০ জন মৃত, ৩০,০০০ জন স্থায়ীভাবে ক্ষতিগ্রস্ত।

“সানলু” নামে ইন্দোনেশিয়ায় পঞ্জীকৃত যে বেসরকারী সংস্থাটি এই দুধ সরবরাহ করেছে – সেই সংস্থাটি কবুল করেছে যে তারা জানতো যে তারা দুধে মেলামিন মেশাচ্ছে এবং এই মেলামিন মিশ্রিত দুধ, যা দুধের গুণবিচার পদ্ধতিকে বৈজ্ঞানিক কৌশলে এড়িয়ে গিয়ে বাজারে চালান করেছে, তা খেলে বাচ্চারা শেষ পর্যন্ত কিডনির রোগে আক্রান্ত হয়ে মৃত্যু বরণ করবে।

চীনের মতো একটা গণপ্রজাতন্ত্রে যখন এমন এক ঘটনা ঘটে তখন বুঝতে হবে ব্যবস্থার মধ্যে ভূত ঢুকেছে- সেই ভূত তাড়ানোর আশু নিদান প্রয়োজন। এই ভেজালের বিষয়টি একটিমাত্র ঘটনা এমন নয় - আড়াই দশক ধরে চীনে এমন

জিলিন নদীর জলের উপর নির্ভরশীল। প্রায় একমাস ধরে নদীর সঙ্গে ভাসতে ভাসতে এগোতে থাকে বিশাক্ত রাসায়নিকের ঐ সর। শেষে আমুদারিয়া পেরিয়ে রাশিয়ার সীমান্ত শহরে পৌঁছায়, অতিক্রম করে প্রায় পনেরশো কিলোমিটার পথ। তখনও জলে বেনজিন - নাইট্রোবেনজিনের পরিমাণ যথেষ্ট বেশী। দুদেশের মধ্যে শুরু হয় টানা পোড়েন। চিন রাশিয়াকে সর্বতোভাবে সাহায্যের প্রতিশ্রুতি দেয়। চিনা মন্ত্রী পদত্যাগ করেন। চিনের পরিবেশ সুরক্ষা এজেন্সী শেষে দোষ স্বীকার করে কঠোর বিধিনিষেধ আরোপের প্রতিশ্রুতি দেয়। কাজেই, মনে হয়, জিলিনের এই দুর্ঘটনা ও দুষণের দগদগে যা - চিন সরকারকে অনেকটাই বাধ্য করেছে জিয়ামেন-এর নাগরিকদের কথা শুনতে। আমাদের রাজ্য ও কেন্দ্রীয় সরকারও কি চিনের এইসব ঘটনা থেকে শিক্ষা নিয়ে সতর্ক পদক্ষেপ নেবেন, নাকি মানুষকে মেরে বিপদগ্রস্ত করে তবুেই তাঁদের বোধোদয় হবে! (তথ্যসূত্র : The Statesman, ফেব্রুয়ারী ১, ২০০৮ এবং বিভিন্ন ওয়েবসাইট র. ম. দশ)

মিডিয়ার অন্দরমহল

আজকের দিনে মানুষের ভাবনা চিন্তার অনেকটাই কন্ট্রোল করে মিডিয়া। প্রিন্ট এবং টিভি উভয় মিডিয়াই মিডিয়া মাত্রেই ব্যবসায়িক প্রতিষ্ঠান। ব্যক্তি বা গোষ্ঠী মালিকানা। কারা এই মালিক বা গোষ্ঠী জানতে ইচ্ছে করে নিশ্চয়ই। কিন্তু ঠিকঠাক খবর জানা শক্ত। এই নিয়ে নানান প্রচার আছে। সত্য মিথ্যে জানা নেই। বাজারে উড়ে বেড়ানো কয়েকটা খবর দেওয়া যায়। যেমন, টাইমস নাউ হল টাইমস গ্রুপের চ্যানেল। মালিক বেনেট অ্যান্ড কোলম্যান। ওয়ার্ল্ড ক্রিস্টিয়ান কাউন্সিলের মেজর শেয়ার রয়েছে এতে। কুড়ি শতাংশ শেয়ার আছে একজন ইংরেজ ও একজন ইটালিয়ানের। ইটালিয়ান ভদ্রলোক হলেন

রাবাটিও মিন্ডো। ইনি শোনা যায় শ্রীমতি সোনিয়া গান্ধীর কেমন আত্মীয়। সিএনএন-আইবিএন হল মার্কিন যুক্তরাষ্ট্রের সাউদার্ন ব্যাপটিস্ট চার্চের চ্যানেল। এর প্রধান হলেন রাজদীপ সরদেশাই। এনডি টিভি হল স্পেনের গসপেল অফ চ্যারিটিজের চ্যানেল। এরা নাকি আবার কমিউনিস্ট আদর্শে আস্থাশীলী! এদের চ্যানেলের প্রধান হলেন সিপিএম পার্টির সাধারণ সম্পাদক শ্রী প্রকাশ কারাতের শ্যালক শ্রী প্রণয় রায়। শোনা যায় এনডি টিভি-গোষ্ঠী সম্প্রতি ইন্ডিয়া টুডে সাপ্তাহিক কগজটি কিনে নিয়েছে। যেটা বিজেপি ঘেঁষা কগজ বলে লোকে বলতো। স্টার টিভি'র মালিক হলেন অস্ট্রেলিয়ার একজন। দৈনিক পত্রিকার মধ্যে হিন্দুস্তান টাইমস হল বিড়লা গ্রুপের। 'দি হিন্দু' হল সুইস জেন্সুয়া সোসাইটির। ইন্ডিয়ান এক্সপ্রেস হল ক্রিস্টিয়ান মিনিষ্ট্রির। এশিয়ান এক্স হল সৌদি আরবের এক ব্যবসায়ীরা।

মুন্সাই কান্ডের পর টিভি চ্যানেলগুলোকে দেখা গেল রাজনৈতিক নেতাদের মুড়ুপাত করতে লেগেছে। যেন হঠাৎ এদের কথা মনে পড়ে গেছে। অথচ এমনি সময় দেখা যায় এরাই ওই রাজনৈতিক নেতাদের ছবি জনমনে গেঁথে দেবার জন্য অবিরাম তাদের খবর প্রচার করে চলেছে। যাদের মধ্যে অনেক দাগী আসামীও আছে। দাগী বলেই হয়তো খবর হচ্ছে তারা। কিন্তু এই সুযোগে তার প্রচারটাও হয়ে যাচ্ছে। কারণ সব দাগী রাজনৈতিক নেতাদেরই একটাই অজুহাত যে মামলা নিষ্পত্তি না হওয়া অবধি তিনি নিরপরাধ। তা সে খুন-জোচ্ছুরি যে মামলাতেই আসামী হোন তিনি। আর সবাই জানে আমাদের দেশে পয়সা খরচ করতে পারলে মামলা সারা জীবন ঝুলিয়ে রাখা শক্ত নয়। মিডিয়া চাইলেই এই ধরনের রাজনৈতিক নেতাদের বর্জন করতে পারে। কিন্তু করে না, বা করা যায় না। কেন করা যায় না সে রহস্য বোঝার জন্য শার্লক হোমস হবার দরকার হয় না।

আসলে ব্যবসা আর রাজনীতি সব একাকার এখন। র.চ.
এগার

কে কয় আমাদের ভারত গরীব

বিশিষ্ট চোরেরা চুরির টাকা সুইস ব্যাঙ্কে জমা করে সবাই জানে। শুধু ভারত নয়, সব দেশের চোরেরাই তাই করে। এরা এলেবেলে চোর না। স্ব স্ব দেশে বিশিষ্ট ব্যক্তি এরা। কেউ নেতা, মন্ত্রী বা তাদের আপনজন। কেউ সরকারি আমলা বা তাদের আশ্রয়পুষ্ট এজেন্ট। কেউ ফিল্ম-স্টার কিংবা তাদের মেনটর ডন। কেউ ব্যবসাদার কিংবা দেশ-গৌরব ইনডাস্ট্রিয়ালিষ্ট। এনারা চারদিক আলোকিত করে ঘুরে বেড়ান দেশে এবং বিদেশে। এদের অনেকেরই ছবি ও মুখ নিঃসৃত বাণী টিভি মারফৎ প্রচারিত হয়। আমরা শুনি এবং দেখি।

ভারতের এই বিশিষ্ট ব্যক্তির আন্তর্জাতিক স্তরে বিশেষ গৌরবের অধিকারী আজ। চুরির টাকা জমাকারী হিসেবে পৃথিবীর সব দেশকে বহু পিছনে ফেলে দিয়েছে এরা। সুইস ব্যাঙ্কে এদের জমানো অর্থের পরিমাণ অকল্পনীয় স্তরে পৌঁছেছে। ডলারের হিসেবে তার পরিমাণ ১,৪৫৬,০০০,০০০,০০০ ডলার!! লক্ষ-কোটির চেনা অঙ্কে বলতে গেলে ১.৪৫৬ লক্ষ কোটি ডলার! এর পরেই দৌড়ে অনেক পেছিয়ে রয়েছে রাশিয়া। -জমার অঙ্ক মাত্র এর তিন ভাগের এক ভাগ।

ভারতীয় চোরদের জমানো টাকার অঙ্কটুকু বড় বোঝানর জন্য কিছু উপমা দিতে হয়। ধরা যাক এই টাকাটা আমাদের দেশের গরীব মানুষদের মধ্যে বিলি করার বন্দোবস্ত করা হল। তাদের প্রত্যেককে ১ লক্ষ টাকা করে দেওয়া হবে ঠিক হল। তাহলেও ৪৫ কোটি

লোককে দেওয়া যাবে এই টাকা! আরেকটি দৃষ্টান্ত। আমরা আমাদের বিদেশি ঋণের বোঝা নিয়ে অনেক দুর্ভাবনার কথা বলি। কিন্তু এই টাকাটা উদ্ধার করতে পারলে এক লহমায় সব ঋণ শোধ করে ফেলা যায়। সুইস ব্যাঙ্কের ভারতীয়দের জমানো টাকাটা আমাদের মোট বিদেশী ঋণের পরিমাণের ১৩ গুণ। অর্থাৎ এই টাকাটা ফিরিয়ে আনতে পারলে সমস্ত বিদেশী ঋণ শোধ করার পরেও ঋণের বারো গুণ টাকা হাতে থাকবে। সেই টাকাটা যদি ব্যাঙ্কে ফেলে রাখা যায় তার সুদের পরিমাণ হবে আমাদের দেশের কেন্দ্রীয় বাজেট অঙ্কের থেকে বেশি! শুধু সুদের পরিমাণই এই। তাহলে টাকার পরিমাণটা কেমন, ভাবুন! এই টাকা যারা আত্মসাৎ করেছে তারা দু'ভাবে দেশের সর্বনাশ করেছে। চুরি করে এক দফায় করেছে। সেই টাকা বিদেশে পাচার করে আরেক দফা। এদেশের টাকায় বিদেশের পুষ্টি হচ্ছে।

এদেশ থেকে সুইজারল্যান্ডে যাতায়াতকারী লোকের সংখ্যা বছরে ৮০ হাজার। এর মধ্যে ঘন ঘন যাতায়াতকারীর সংখ্যা হল ২৫ হাজার! এদেরই এক অংশের যাতায়াতের সুবন্দোবস্ত করতে হাজার হাজার চারীর জমি কেড়ে নিয়ে রাজ্যে রাজ্যে এরোপোলিস স্থাপনের প্রতিযোগিতা চলছে। সেই পোলিসের একটি এই রাজ্যেও বসতে চলেছে। এত ঘন ঘন সুইস দেশে যাতায়াত করেন যারা তারা নিশ্চয়ই নিছক হাওয়া বদল করতে কিংবা সাইট-সিইং করতে যান না? ভারত সরকার চাইলেই সুইস ব্যাঙ্কের অ্যাকাউন্ট হোন্ডারদের নাম-ধাম ঠিকুজি-কুঠী উদ্ধার করতে পারে। কিন্তু করে না। কি করে করবে? ‘ভারত সরকার’ মানে কারা? কারা আবার, সেই ‘বিশিষ্টজনদেরই’ কেউ কেউ তো। নয় কি?

র.চ.

